



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Origines Benedictinae, Siue Illvstrivm Coenobiorvm Ord.
S. Benedicti, Nigrorvm Monachorvm, Per Italiam,
Hispaniam, Galliam, Germaniam, Poloniam, Belgium,
Britanniam, aliasque Prouincias. Exordia Ac ...**

Le Mire, Aubert

Coloniae Agrippinae, 1614

Monasterium S. Petri de Monte in Hispania.

urn:nbn:de:hbz:466:1-11261

tano S. Benedicti. In sacello quodam veteris huius templi exstat marmor cum hac inscriptione. *Hic sunt reliquiae S. Romani monachi, S. Martini Episcopi, S. Martine virginis, S. Petri Apostoli, S. Ioannis Baptista, S. Aciscii, & aliorum numero Sanctorum.*

Ceterum Patronus huius monasterij non est S. Romanus martyr Antiochenus an. Christi 313. passus, sed S. Romanus monachus ut ex dicta inscriptione liquet. Quis autem fuerit iste Sanctus Monachus in cuius honorem Rex Ciudafuinthus, dictum monasterium fundauerit certò non constat. Ecclesia certè celebrat ac colit S. Romanum monachum, quo ad vitæ necessitatem ministro vsus est S. Benedictus ut Romanum Breuiarium loquitur 21. Martij. Cuius quidem corpus quiescit Altisiodori in Gallia. Fuit & alius S. Romanus Abbas apud Lugdunum Gallia, qui cum S. Lupicino vixit in deserto & floruit anno Christi 564. eiusque festum celebratur 28. Februarij.

Monasterium S. Petri de Monte in Hispania.

Situm est hoc monasterium in Vergisco Hispaniæ prouincia vulgo *El Vierzo* nuncupata, estque excitatum à S. Fructuoso, principis illius prouinciæ filio, & Archiepiscopo Bracarenfi Era 684. Post S. Fructuosum successit S. Valerius qui illud
circa

684.

circa Eram 700. mirificè auxit: quod & postea fecit S. Gennadius, Episcopus Asturicensis collapsum instauravit ac consecrauit iuxta veterem hanc inscriptionem.

Insigne meritis B. Fructuosus postquam Complutense condidit cœnobium, nomine S. Petri, breui opere, in hoc loco fecit oratorium, postquam non impar meritis Valerius sanctus opere Ecclesie dilatavit. Nouissimè Gennadius presbyter cum duodecim fratribus restauravit. Era D. CCCCXXXIII. Pontifex effectus, à fundamentis mirifice, ut cernitur, denuo erexit: non oppressione vulgi, sed largitate pretij, & sudore fratrum huius monasterij. Consecratum est hoc templum ab Episcopis quatuor, Gennadio, Asturicense, Sabarico Dumiense, Feruniuio Leyconense, H. Dulcidio Salmanticense, sub Era nouies centena decies quina terna, & quaterna VIIII. Kalend. Nouemb.

Ceterum vita S. Fructuosi, itemque S. Valerij Abbatis monasterij S. Petri de Monte, ut & testamentum S. Gennadij exstant apud Prudentium Sandouallum prima parte de Foundationibus monasteriorum benedictinorum in Hispania. Ipsum originale testamentum exstat in Archiuo monasterij S. Petri de monte, quod anno 1575. à sevisum cum alijs plurimis libris manuscriptis, testatur Ambrosius Morales, Philippi

II. Hispaniarum Regis Chronographus. Quiescit autem S. Gennadius in monasterio S. Iacobi de Pennalba à se fundato, quod vulgò S. Genacio nuncupant: estque hodie Ecclesia parochialis, cuius possessor Abbas vocatur & dignitatem in Ecclesia cathedrali Asturicensi obtinet. Ad tumulum S. Gennadij hodieque frequentissimus est piorum hominum concursus. Quiescit ibidem S. Fortis, S. Gennadij discipulus & Episcopus Asturicensis, itemque S. Urbanus illius monasterij Abbas.

Testamentum S. Gennadij Episcopi Asturicensis.

SANCTISSIMIS, gloriosissimis Dominis triumphatoribus, post Deum mihi fortissimis patronis, cælorum clauiculario in arce Apostolatus constituto electissimo Petro, æquali vocatione Andreæ almifico, Iberiæ terminos Iacobo clarissimo, atque hero Thomæ asseclis Christi & eius Martyribus à constitutione mundi Deo notis Apostolis.

Clens seruus vester Gennadius, pauper meritis, abundans sceleribus, indignus Episcopi, certissimè credo, firmissimè teneo, & indubitanter scio, quod vos, ô pijsissimi & strenui patroni ad vnam Domini vocantis vocem, statim omnia quæ mundi sunt, mundo reliquistis, indefessè adhærentes vestigijs Saluatoris, vt neque puncto quidem secederetis ab illo, etiam neque ad funus patris, se-

ptima